

4

ADVERTIS- SEMENT ET CON- SEIL A MESSIEURS DE Paris, tant pour se preserver de la peste, comme aussi pour nettoyer la ville & les maisons qui y ont esté infectees.

*Par M. Estienne Gourmelen, Docteur en la
Faculté de medecine à Paris.*

A MONSIEUR le Preuost
des Marchans.



A PARIS,
Chez Nicolas CHESNEAU, rue saint
Iacques, au Chesne verd.

M. D. LXXXI.

AVEC PRIVILEGE DV ROY.

24 1 2 3 4 5 6 7 8 9 10 11 12

13 14 15 16 17 18 19 20 21 22 23 24

25 26 27 28 29 30 31 32 33 34 35 36

37 38 39 40 41 42 43 44 45 46 47 48

49 50 51 52 53 54 55 56 57 58 59 60

61 62 63 64 65 66 67 68 69 70 71 72

73 74 75 76 77 78 79 80 81 82 83 84

85 86 87 88 89 90 91 92 93 94 95 96

97 98 99 100 101 102 103 104 105 106 107 108

109 110 111 112 113 114 115 116 117 118 119 120

121 122 123 124 125 126 127 128 129 130 131 132

133 134 135 136 137 138 139 140 141 142 143 144

145 146 147 148 149 150 151 152 153 154 155 156

157 158 159 160 161 162 163 164 165 166 167 168

169 170 171 172 173 174 175 176 177 178 179 180

181 182 183 184 185 186 187 188 189 190 191 192

193 194 195 196 197 198 199 200 201 202 203 204

205 206 207 208 209 210 211 212 213 214 215 216

217 218 219 220 221 222 223 224 225 226 227 228

229 230 231 232 233 234 235 236 237 238 239 240

241 242 243 244 245 246 247 248 249 250 251 252

253 254 255 256 257 258 259 260 261 262 263 264

265 266 267 268 269 270 271 272 273 274 275 276

A MESSIRE AVGV-
STIN DE THOV, CON-
seiller du Roy en son priué Con-
seil, premier Aduocat de sa Ma-
jesté en la Cour de Parlement, &
Preuost des Marchans en la ville
de Paris.

MONSEIGNEVR, estant par
vostre commandement à la fin du
mois d'Aoust dernier appelé à la
police, pour auoir aduis de la facul-
té de medecine sur ce qui estoit ex-
pedient de faire, tant pour ayder aux malades, que
aussi pour empescher que la peste ne s'augmentast
d'auantaige, apres m'auoir ouy, vous ordonnastes
que i'eusse à communiquer de ce faiect avec les plus
anciës, plus sçauants & expertz de nostre facul-
té, pour dresser quelques articles qui seruiroient
tant en general qu'en particulier à tous les habi-
tans de la ville (en tant que se peult faire) pour
garder leur santé. Ce que ie fis: mais d'autant que
ie fus lors appelé aux champs pour veoir quelques
Seigneurs, & que bien tost apres mon retour la
contagion commençoit petit à petit à se diminuer

ioinēt aussi que vous n'auiez faulte de Medecins pour solliciter & ayder les malades, i'ay differé à vous presenter ce petit traicté que i'auois fair. Et ayant dernièrement entendu que vous desiriez sçauoir comme il se fault gouuerner pour nettoier & repurger les maisons infectées, ie me suis aduisé (apres l'auoir communiqué à Messieurs Violaine & Pietre, qui sont du nombre des plus anciës & des plus sçauants & experimentez de nostre faculté) de le vous presenter, tant pour vous obeyr, qu' aussi pour selon mon petit pouuoir, faire le deuoir enuers la Republique laquelle vous auez tant en recommandation. En priant Dieu,

MONSEIGNEUR, vous donner la grace de la gouuerner si bien, que Dieu soit sur tout honoré, le Roy obey, & le pauvre peuple soulagé.
Ce 18. Feurier, 1581.

Vostre obeyssant seruiteur,
Estienne Gourmelen.



*ADVERTISSEMENT ET
cōseil à Messieurs de Paris, tant pour
se preserver de la peste, comme aussi
pour nettoyer la ville & les maisons
qui y ont esté infectées.*

LE meilleur moyen que
nous ayôs aujourd'huy
pour nous exempter de
la peste, laquelle nous a
vn an y a pour le moins assailly, c'est
de nous amender tous: car il ne faut
doubter qu'elle ne soit venue par v-
ne punition diuine, d'autant que la
constitution du temps & les saisons
de l'année (ausquelles Hippocrates &
ceux qui suyuent sa doctrine ont
principalement esgard) ont esté de

leur naturel assez salubres. Et pour-
ce que c'est vne maxime en medeci-
ne, qu'il faut oster la cause, deuant
que nous puissions oster le mal qui
procede d'icelle, il est besoing que
chacun de nous amende sa vie. Car
tandis que nous ferons si peu crai-
gnans Dieu & ses saincts comman-
demens, n'ayans esgard qu'à nostre
plaisir & grandeur, il ne faut point
esperer que Dieu nous oste ses ver-
ges, s'il ne nous a du tout delaissez
& abandonnez: & n'est possible que
l'art de medecine, laquelle Dieu a
donné aux Medecins pour aider aux
infirmitez de l'homme, nous puisse
secourir, si premierement nous ne
faisons nostre deuoir, prenans exē-
ple non seulement sur le peuple Ju-
daïque, mais aussi sur les Gentils &
Barbares, lesquels en pareils cas se
sont premierement adressez à Dieu,

& se font amendez, comme tesmoignent amplement les escritures, tât sacrees que prophanes.

Après que chacun aura fait son deuoir, & se sera conuerty à Dieu, lors la medecine nous pourra aider, pourueu que le magistrat & gouuerneurs de la republique tiennent la main, & facét de leur part ce que les Medecins doctes, experimentez, gens de bien, & qui auront la crainte de Dieu & le salut de la Republique tousiours deuant les yeux, leur conseilleront.

Or quant à ce qu'il faut faire en general pour la santé du peuple, & la salubrité de la ville, c'est en premier lieu qu'il faut que les ruës soiēt bien paucees, afin que les immundices, eaux & ordures qu'on iette hors les maisons, ne croupissent par les chemins : & q̃ chacun face nettoier

en l'endroit de sa maison, & que le tóbereau passe tous les iours par les ruës & places publiques, pour porter la bouë & autres immundices bien loing hors la ville.

Qu'on face visiter par gés de bié à ce deputez les bleds, la chair, les poissons, le vin, les fruiçts, herbes, & autres viures qu'on vend en la ville: & qu'ó chastie to⁹ ceux qui serót trouuez en faute. Qu'ó face tuer les chats & les chiës vagabonds, & les porter bié loing hors la ville, & les enterrer, afin de n'infecter l'air qui est autour d'icelle. Et pource qu'il y a vn grand nóbre de pauvres, forts & puissans de corps, qui sont contraincts de demander l'aumosne, à faute de trouuer en quoy s'employer, sera expedient pour vn temps de les faire trauailler, où aux raparts de la ville, ou en quelque autre chose pour les occuper: mesmes

mesmes qu'on contraigne les autres pauvres, valides & puissans de corps à trauailler. Et quât à ceux q ne peuuent gagner leur vie, comme vieilles gēs, petis enfās, & estropiats, faut q chacun en son endroit, selon sa puissance, leur aide à viure, sans qu'aucunemēt il leur soit loisible, pendāt la contagiō, d'aller demáder par la ville, sur peine de punition corporelle.

Qu'on face defense sur mesmes peines à tous ceux qui se sentēt malades de peste, ou qui cōmuniquent auēcques eux, ou qui hātēt les maisons suspectes, de se trouuer aux assemblees ou lieux publics.

Que commandement soit fait à tous reuendeurs & reuenderesses, de ne porter par la ville, ou aux marchez & lieux publics aucuns habillemens, toilles, draps, pannes ou autres hardes pour les vendre : &

aux frippiers d'acheter aucune chose qui sorte des maisons infectées: & de ne transporter desdites maisons aucuns meubles, que premierement ils ne soient bien eueitez & nettoyez.

Et si on voit que la contagion ce printemps face semblât de nous assaillir derechef, sera expediēt (en attendant que l'Hospital pour les pestiferez soit acheué) de prendre en chacun faulxbourg quelque grand logis, où il y aura commodité de puits & iardins, pour loger les malades, qui seront tous receuz en ces logis: & que Messieurs de la police choisissent quelques lieux pres de ces logis pour enterrer bien auāt en terre ceux qui mourront.

Qu'on chastie rigoureusement sans aucune remission ne pardon, tous ceux, de quelq̃ qualité qu'ils soiēt, qui faudront à leur charge, ou qui

feront quelque insolence, iniure ou aucũ tort ausdits malades, ou à ceux qui les serviront.

Que tous ceux qui sçauront où il y aura quelque malade pestiferé, qu'ils viennent incontinent le faire sçauoir à la police, pour les faire pẽser par ceux qui seront deputez, ou en leurs maisons, s'ils veulẽt & ayẽt le moyen pour y demeurer, ou pour les faire transporter aux lieux à ce destinez, pour estre pensez comme les autres. Et d'autãt qu'il est impossible de prescrire medecine, laquelle en certaine quãtité seroit propre en toute sorte de peste, à toutes personnes, & en tout temps, soit pour prendre dedans le corps, soit pour appliquer sur les charbõs ou bosses, il est necessaire (ce qui s'obserue aux autres bõnes villes de France, q̃ ne sont toutesfois à cõparer à Paris) qu'il y

ait pour le moins 2. ou 3. ou 4. Medecins, gés de bié, craignás Dieu, sçauáts & experimétez, lesq̄ls ferót salariez de la ville en tout téps, soit qu'il y ait peste ou nó, qui ferót tenuz en téps de peste, d'aller visiter les pestiferez, & de leur ordonner remedes cóuenables seló la grádeur & espeece du mal, l'aage, force, & temperamét du malade, sans negliger les autres circústáces, auxquelles fault q̄ les Medecins ayent tousiours esgard, pour selon icelles se reigler & principalement quád il est question d'ordóner medicine laxatiue, cófortatiue ou alteratiue: autremét si on veult indifferémét vser de mesmes remedes & en mesme quátité, en mesme façon & en tout téps, en l'endroit de tous, on se trópera bié lourdement. Car la medecine ne peut estre seuremét & exactemét ordónee & deuémét prescrite, sinon par ceux qui cognois-

scent l'art, & qui sçauēt dōner valable raison de ce qu'ils fōt, & pour quoy: car & la raison & l'experience montrent euidēment, qu'il fault diuersifier les remedes selon la diuersité tāt des malades, que des maladies.

Il est aussi necessaire d'auoir des Chirurgiens, & Apoticaire, biē experimentez en leurs arts, qui seront aussi salariez du public, pour mettre en executiō ce que les Medecins cōseilleront: & que lesdits Apoticaire soient garnis de bonnes drogues & medecines & principalemēt des remedes qui sont bōs contre la peste, cōme de theriaque, mitrydat, eaux theriacales, conserues, electuaires, pouldres, syrops, eaux cordiales, & autres medicaments tant simples que composez, soit pour prendre dedans le corps, soit pour appliquer exterieurement. Et que lesdits Chirurgiens & Apoticaire

n'entreprédrot de bailler medecine dedás le corps ou de faire aucune incisió ou applicatió de cauterés, sans auoir l'aduis des Medecins : car la plus-part de telles maladies sont si chatouilleuses, qu'on ne peult tant soit peu faillir sans danger de mort. Item que defense soit faicte ausdits Medecins, Chirurgiens & Apoticaire de s'occuper à autre chose pendant la contagion, que à l'entour de leurs malades : car ce n'est peu de chose que la vie d'une personne, voire d'un grád nombre de pauvres malades qu'ils auront en charge, & desquels ils feront responsables deuant Dieu, si par leur negligence il en aduient inconuenient.

Entre les moyens que nous auós aussi pour nous preseruer de la peste, c'est que chacun en particulier aye soing de ce qu'il doit faire à l'en-

droit de sa personne. Car ce n'est assez de sçauoir ce que cōcerne la police en general, si on se neglige en particulier. Et d'autant qu'il est presque impossible, que la contagion dure longuement sans corrompre & infecter l'air qui est commun à tous, il est besoing de sçauoir cōme nous pourrons faire que nous ne soyons offensez de sa corruptiō. Et par ce que la disposition seche du temps apporte moins de putrefaction, nous debuons souhaiter en temps de peste de viure en vn air sec tant qu'il nous sera possible, combien que les Medecins ayans esgard à l'aage, à la temperature du corps, à la coustume, & à certains autres accidens, lesquels peuuēt suruenir aux malades, sont contraints quelques fois d'humecter l'air des chambres des malades: ce que nous laissons à

la discretion & prudence des Medecins.

Or en temps de peste le plus seur est de faire sa demeure éś lieux hauts, où l'air est tousiours moins subiet à infection. Et ne faut ouvrir les fenestres de la maison & chambres, que le soleil ne soit leué, voire vne heure apres : & ne les laisser ouvertes apres soleil couché. Au matin on ouvrira celles qui sont tournees deuers l'orient, apres midy celles de deuers le septentrion, ou l'occident : car l'air deuers le midy (& principalement quand le vent souffle de ce costé-là) n'est gueres salubre.

Il ne fait gueres bon demeurer éś lieux estroits, & où le soleil ne donne iamais, ne aussi éś lieux qui ne se peuuent esuenter.

Il faut aussi euitier les raions de la lune,

lune, l'air de la nuit, du soir, du matin, & principalement en pleine lune, & en temps nuageux & obscur. Et ne faut, s'il est possible, se pourmener par la ville és endroits où plusieurs personnes sont mortes, ne hâter les lieux publics.

Si on doute que l'air soit corrompu, sera bon de faire par les rues & carrefours de la ville, du feu de bois de geneure, ou seul, ou bié avec autre bois, comme de chesne sec, & nō pourry, & de genest. Et pourra-on mettre parmy du laurier, rosmarin, saulge, & autre bois, herbes, fleurs, grains & semēces, racines seiches & odorantes : ainsi que firent autre fois Hippocrates & Acron Sicilien en Athenes.

Sera bon aussi en temps chaud de parfumer les chambres, en esteignant vn ou deux carreaux de grez

bien chaulds avec vin-aigre seul, ou
mellé parmy eau rose. On pourra
aussi en temps chaud tenir en la chā-
bre feuilles de vigne, rameaux de
chesne & de faule, roses, fleurs de
violettes & de nenufar, cueillies a-
pres soleil leué, & en lieu nō infecté.
Item fruiçts de bō odeur, cōme pō-
mes, citrons, orāges & semblables.
Et faudra ietter ces fueillages & brā-
ches hors la chābre, quād ils cōmen-
ceront à se fanner & sentir mal.

En temps froid on fera autre par-
fun avec encens, vernix, bois de ge-
neure, oiselets de cyprez, benioin,
grains de laurier, de geneure & sem-
blables.

Lors aussi sera bō d'auoir en la chā-
bre rosmarin, thyn, marjolaine, faul-
ge, ruë, absinthe, mente, ou baulme
de iardin, moyennant qu'on puisse
sans s'offenser souffrir leur odeur.

L'exercice se doit faire deuant le repas, lequel en tēps de peste doit estre mediocre, en lieu nō suspect de mauuais air. Car l'exercice nō seulement resueille la chaleur naturelle, mais aussi fait que toutes les parties du corps se fortifient, & se portent mieux. Et faut bien se donner garde de faire excez, ou de s'eschauffer en s'exerçant: car il y a plus de dāger de s'eschauffer pl⁹ qu'il ne faut, que moins. Chacun pour son regard pourra eslire exercice q luy soit propre, gardāt tousiours la mediocrité.

Quāt est de la nourriture, les viādes seront en general de bōne substance, & aisees à cuire en l'estomach. Et si n'est bon en temps de peste nō trop ieusner, ny aussi se charger trop, soit à boire, soit à māger: toutesfois ceux qui doiuent aller par ville, doiuent desieuner parauāt q sortir.

le logis, & meſmement prendre du vin, lequel a grand vertu contre le mauuais air. Et eſt bon de s'oſter de table avec quelque peu d'appetit, lequel ſe paſſe incontinent. La diuerſité de viandes en vn meſme repas n'eſt pas bonne. Ne faut auſſi manger auant que l'appetit ſoit venu, ou auant la diſteſtion faite : qui ſont deux preceptes ordinaires, leſquels doiuent eſtre touſiours gardez.

Le pain ſera de bons grains, non corrompus, non trop gardez, non eſchauffez, nets de poudre, cuit d'vn iour ou deux, en lieu non ſuſpect de mauuais air, vn petit ſalé, & mediocrement leué.

Le veau, le mouton, le chappon, les poulets ſont bons bouillis avec ozeille groſſe & menue, ſoulcy, bourroche, bugloſſe, verjus, ſaffran en petite quantité. Les alouettes, pi-

geōs, perdrix, lapins & semblables; font aussi bons rostis, avec saulce de vin-aigre simple ou rosat, eau rose, verjus, ius d'ozeille, ius de citrons, ou d'oranges.

Quant au poisson, la viue rostie, la sole fricassée avec saulce de verjus ou ius de citrōs: le rouget bouilli en eau & vin-aigre, avec saulce de vin-aigre ne sont pas mauvais.

Les poissons nourris en belle eau courāte, sabloneuse ou pierreuse, rostis ou bouillis, avec saulce de vin-aigre, de verjus, de ius de citrons ou d'orāges, ne sont pas mauvais à ceux qui les aiment: toutesfois sera bon que chacun prene aduis de son Medecin pour le plus seur.

Toutes les viandes corrompues, ou trop gardees mortifiées, tous poissons trop gardeez, ou nourris en eau limoneuse & fāgeuse, & toutes

autres choses qui se corrompent aisément dans l'estomach, sont fort dangereuses.

Le vin poussé, gras, trouble, bas, esuenté, ou autrement corrompu, soit à part, soit mélé, est dangereux. Eau croupie, cōme eau de marets, infecte, ou prise en lieu infect, est aussi dangereuse, soit qu'on la boiue, soit qu'on la cuise pour faire le pain : de quoy les boulangers doiuent estre particulièrement aduertis.

Le bon vin & les bonnes viandes prises modérément & en temps conuenable, conseruēt la santé : parce qu'ils engendrent bons humeurs, lesquels ne reçoient pas si facilement la contagion.

Le vin-aigre est fort salubre en tēps de peste, auquel on peut adiouter cānelle, clous de gyrophle, eau rose & semblables, selon le conseil

des Medécins. Le verjus aussi est bon.

En potaiges & bouillós on pourra mettre ozeille, soulcy, menthe, chicoree, endine, bourroche, buglosse & saffran en petite quantité.

Les pruneaux bien cuits & succez, les prunes de damas bien meures, & les cerises en leur saison, prises en petite quantité à l'entree du repas, ne sont nuisibles. Les pômes de capendu, & les bonnes poires cuites & corrigees avec sucre & pouldre de cannelle, ou d'anis confit, à l'issuë de table sont bonnes.

Les citrons & oranges en sallade avec eau de rose & sucre sont bós.

Les grenades & capprés ne sont pas mauuaises.

Le dormir doit estre mediocre: car le trop dormir cōmunémēt engēdre

superfluité d'humeurs, & bien rarement profite: mesmes que d'iceluy on peut faire autant d'excez, sans y pèser, comme du boire & manger.

Le trop veiller fait multiplier la cholere, deseiche la personne, & fait mauuaise couleur. Toutesfois il est permis aux Dames de dormir demie heure ou vne heure plus qu'aux hommes, pource qu'elles sont de leur nature humides: & leur est aussi permis en temps de peste, de ne se leuer que le soleil ne soit premieremēt leuē, i'entens en esté.

Le temps pour dormir c'est la nuit, ou deux ou trois heures après souper. Dormir six ou sept heures c'est assez: toutesfois les petis enfans peuuent dormir d'auantage. Quand l'hōme ou la fēme à son reueil sent sa teste alleege, & les sens pl^r esueillez, c'est signe d'auoir assez dormy.

On

On ne doibt, s'il est possible, dormir entre le dîner & soupper: & si on est contrainct à ce faire, soit par accoustumance ou autrement, le sommeil doibt estre brief. Car tel dormir engendre des catarrhes, & rend la personne paresseuse. Et si ne fault dormir tost apres le dîner, ne s'euveiller en sursault: mais le meilleur est de s'abstenir du tout de tel dormir.

Chacun doibt procurer benefice de vêtre vne fois le iour pour le moins: & si on est constippé, sera bon de prédre quelque bouillon laxatif ou quelque autre chose par le cōseil de son Medecin. Il ne fault retenir son vrine, son vent, ne aucune superfluité. Le matin ayāt eu benefice de vêtre, s'il est possible, on doibt cracher, se moucher, festandre, se peigner: & si on a quelque fistule ou

autre vlcere (lesquels ne faut clore)
les nettoier : & se vestir nettement,
lauet ses mains & visage de belle
eau & vin-aigre, & puis d'eau rose &
vin-aigre.) *Deind ordi s'adobliet*

De. Ceux qui ont de la galle ou gra-
telle, des vieilles fistules ou des au-
tres vlceres, ne les doibuent dessei-
cher, ains plustost les prouoquer à
couler: à fin que nature aye quelque
chemin pour se descharger. Pour
mesmes raisons plusieurs se sont bié
trouuez des cauterés, qu'ils auoient
fait appliquer aucuns es bras, autres
es iambes. *nollimod supleup ordi*

o L'excez avec les fêmes est meruei-
leusement d'agereux en tēps de peste.

Au reste il fault viure ioyeusement,
& se recreer honestement chacū selō
son estat & vacatiō, sans se melācho-
lier, sās se courrocer, sans aucunement
se passionner, & sur tout sans auoir
crainte de la peste. Et ne fault aussi

tourmèter son esprit en haultes cō-
téplations, ou fortes imaginatiōs.

Quant aux medicamēs preserva-
tifs, il en y a quelques vns, desquels
chacun presque peult vser: si est ce
toutesfois qu'il fait bō auoir l'aduis
de son Medecin, d'autāt qu'on peult
auoir quelque propriété & singula-
rité qui pourroit empescher l'opera-
tion de la medicine, ou faire qu'elle
nuiroit au lieu de proffiter.

Le premier point en matiere de
medicine c'est, qu'il fault auoir son
corps net & sans excrements ou hu-
meurs superflus, qui croupissent en
luy. Or ceux qui sōt biē tēperez, ou
(cōme on dit) biē cōplexionnez &
bien composez de toutes leurs par-
ties, & qui viuent bien sobrement,
n'amassent aucuns humeurs super-
flus ou corrompuz: parquoy ceux-
là n'ont besoing de purgation.

Les autres qui ne sont pas bié temperéz, ou qui sont mal bastis de corps, ou excessifs en leur maniere de viure, non seulement engendrét, mais aussi accumulent beaucoup de corruptions en leurs corps, & sont fort subiects & prompts à tomber en beaucoup d'infirmitez, & principalement en temps de contagiõ, s'ils ne se purgent diligemment.

La premiere chose d'óc que chacun doibt faire en temps de peste, s'il se sent chargé d'humeurs, c'est se purger doucement: & pour ce faire, il luy est besoing d'auoir conseil de son Medecin, qui ayant esgard à sa force, à l'humeur qu'il fault purger, au téps & aux autres circonstances, (ausquelles fault tousiours regarder) luy ordonnera medecine propre & conuenable. Car si on fault en quelque circonstance, & qu'on

prenne vn *quid pro quod*, il est en dā-
ger de se faire malade au lieu de se
purger : ce que nous voyons venir
bien souuent pour auoir creu ceux
qui se vantent de sçauoir & de pou-
voir faire beaucoup. Et ne fault pē-
ser, que tous ceux qui cognoissent
tellement quellement les medica-
ments, & la façon de les distiller ou
miftionner, puissent assurement
bailler medecine sans conseil des
Medécins, si on ne veut se tromper
foy-mesme. Ie ne veux deduire icy
par le menu tous les inconueniens
que i'ay veu aduenir à plusieurs
pour auoir prins ie ne sçay quelles
drogues sans conseil du Medecin:
voire pour en auoir prins sans cōseil
semblables à celles qu'ils auoient
pris par ordōnance de leur Mede-
cin peu de temps auparauāt, & des-
quelles lors s'estoiēt fort biē trouuē.

Mais à raison de la cōtinuelle mutation & changemēt de nostre corps, il aduiēt qu'il est necessaire de changer la medecine. Parquoy fault que celuy qui entreprēd de biē & deüemēt ordōner medecine, soit prudēt, bien aduisé, saige & expérimenté en son art: autrement il met en hazard la vie de son prochain.

Le corps estāt purgé, on peult plus asseuremēt & à meilleure issuē prendre des remedes cōtre la peste, pour cōtregardet tant le cœur que les autres parties nobles. Les pl⁹ vulgaires & aussi les meilleurs, sōt la theriaque & le mitridrat, prinſes 2. ou 3. fois la sepmaine à ieun, quatre heures de uāt māger, avec vne gorgée de vin, & vn petit d'eau rose parmy. L'on en prēdra le poix de demy escu plus ou moins, selon la grandeur & force de celuy qui la prēd. On peult aussi faire vne opiate cōposée de mitridat,

theriaq̃, cōferue de rose, de melisse, de fleurs de violettes, nenuphar, de bourrache, debuglosse, meslees en pareille portion: de laquelle on prendra le poix d'un escu ou environ, avec vn peu du vin & eau rose, 3. ou 4. heures deuāt le repas au matin. Les pilules dittes Pilulę ruffi, cōposees d'aloës, & d'amomac, de chacū deux parties, & de myrrhe vne partie, ou avec du vin, selon les Arabes & modernes, d'aloé, myrrhe & saffrá, sont merueilleusemēt loüees de toute l'antiquité, & approuues par les sçauāts & plus experimētez Medecins: pour autāt q̃lles empeschēt la putrefactiō des parties nobles & des humeurs, & qu'elles font aussi auoir bon ventre. Toutesfois il n'est bō de les prendre sās l'aduis de son Medecin, d'autant qu'elles desseichent beaucoup, & qu'elles peuuēt nuire à ceux q̃ ont le foye chaud & à plusieurs autres. To⁹

les anciens ont aussi beaucoup loué non seulement contre la peste, mais aussi contre toute sorte de venin, vne noix, deux figues, quinze ou vingt feuilles de rue, & vn grain de sel pilez & meslez ensemble, & prins tous les iours deuant desieuner.

L'ozeille menuë conficte en bon vin-aigre, est fort excellēte, & principalement en temps chaud: de laquelle on prendra deux ou trois feuilles en les maschant long temps en la bouche auant les aualler, non seulement le matin, mais aussi à toutes heures, quand on va par la ville.

Si l'on est cōtraint d'aller par ville, l'on pourra porter en la main & fleurir souuent vne esponge ou linge trempé en vin-aigre & eau rose: aucuns y adioustent de la canelle, ou clous de girophle. Quelques-vns portent brâches de rosmarin, autres d'absinte,

d'absinte, autres de melisse, autres de faulge, l'odeur desquelles corrige aucunemēt l'air, & conforte les parties nobles. Vn citron lardé de cannelles ou clous de gyrophle, est encores meilleur pour le mesme effect.

Il y en a qui portent pōmes de feneteurs, cōposées de styrax, calamites, benioin, ladanum, myrrhe, bois daloe, pouldre de roses, musch, ciuette, ambre gris, camphre, & semblables : qui ne sont toutesfois gueres bones à ceux qui sont subiects aux defluxions, ou qui haïssent les fortes odeurs, ne aussi aux fēmes subiectes à suffocatiō de matrice, nō plus que les sacchets faits de pouldre de mesmes ou semblables drogues.

On tiendra en la bouche en allac par la ville, racine d'angelique, ou d'enule, campane, ou de la cannelle, ou escorce de citrons.

Quelques-vns ont attribué grâde propriété contre la peste, à certaines pierres precieuses, comme au ruby, hyacinte, esmeraude, granad, & saphir, & principalemēt quand on les porte à nud sur la chair, soit au doigt ou à l'endroit du cueur: mais quant est de l'arseinc, soit en pouldre ou autrement, & d'aucuns autres poisons que quelques-vns cōseillēt de porter sur l'édroit du cueur, ie ne le puis aucunement approuver. Ceux qui hantent avec les malades ou parmy les gens suspects, se garderōt de prendre leurs haleines, ou de sētir ou recevoir l'odeur de leur sueur, vrines, vomissements, boüe de leurs apostumes, ou d'autre chose issante de leurs corps.

Se garderōt aussi soigneusemēt de se mettre entre le feu & le liēt des malades, de vestir leurs accoustre-

ments, de dormir en leurs lits, de manger ou boire leur demeurant.

Quant à ceux qui entreprendrôt à nettoier les maisons qui sont desia infectees, il est besoing en premier lieu qu'ils soient gens de bien, & qu'ils facent faire du feu de genre, de genest, & d'autre bois bien sec, non pourry, soir & matin, non seulement aux cheminees des maisons, mais aussi au milieu des chambress'il se peult faire, sans endommager les maisons, mesmes en la rue vis à vis desdittes maisons, & à leurs courts. Qu'on tiene ouuertes de iour toutes les fenestres des maisons infectees. Qu'ils facent chauffer bien chault des carreaux de grez, lesquels ils esteindrôt avec du vin-aigre & eau rose meslez ensemble, ou avec du

vin-agre seul pres les lits où les malades auront esté , & par les chambres . Sera bon aussi de faire du perfum avec encens, vernix, oy-selets de cyprez , ou de bois de geneure par toute les maisons infectees.

Qu'on tire des harquebusades dans les maisons infectees, & à l'entour d'icelles, se donnant bien garde du feu . Quant aux biens qui sont dedans lesdites maisons infectees , on mettra en la lexiue le linge, & tout ce qui peut estre mis dedans sans l'endommager : & puis apres sera bien lauë en belle eau courrante . Les autres biens, comme habillements de drap, tât de laine que de soie, & aussi de panne: item tapisseries, lits, couuertures, ciels, custodes & semblables, seront mis en galeries, ou greniers, ou courts

courts, ou iardins, là où ils pourront estre bien esuentez, en les secoüant & battant de verges ou houffines deux ou trois fois le iour, & par plusieurs iours: car le vent, principalement septentrional, l'air libre, & le soleil, sont fort propres pour dissiper la corruption & venenosité des choses infectees. Les coffres & bahus seront aussi portez au vêt, ouuerts, & serót souuēt frappez de petites houffines, & espoussettes.

Les autres meubles, cōme chalits, coffres de bois, tables, chaires, bācs, escabeaux, armoires, & semblables, seront remuez hors de leurs places, bien nettoyez tout à l'entour, tant dedās que dehors, & puis biē lauez avec bonne lexiue forte, en laquelle on aura fait bouillir fueilles ou grains de laurier, grains de geneure, faulge, ruë, rosmarin, vin-aigre &

semblables. Mesmes fera bon de lauer les parois, murailles & cloaisons dans les chambres, & les planchers d'icelles, tant haut que bas, de la susdite lexiue : en laquelle on pourra esteindre de la chaux viue : & si les chabres sont natees, le plus seur est d'oster la natte & la brusler : & s'il y a creuaces ou trous ausdites parois, cloaisons ou murailles, faudra les plastrer & boucher, & puis les lauer, comme il est dit.

Quant est des papiers, lettres & liures, il faudra les porter en quelque galerie ou grenier, ou bien en quelque spacieuse chambre & ouuerte de tous costez, là où ils seront secoüez, remuez & fueilletez vne ou deux fois le iour, & ce par plusieurs iours.

Ces sont les moyens les plus communs & plus faciles, qui se peuuent

trouuer pour entretenir la ville nettement, & les citoyens d'icelle en santé: en laquelle ie prie nostre souverain seigneur Iesus Christ (auquel seul appartient honneur & gloire) qu'il luy plaife nous conseruer.

F I N.

Extrait du priuilege du Roy.

PA R grace & priuilege general du Roy, donné & octroyé à Nicolas Chesneau. Libraire luré en l'Vniuersité de Paris, pour imprimer tous & chacuns les liures & traductions qu'il recouvrera non encor' publiees & imprimees, il est defendu à tous autres Libraires & Imprimeurs de ce Royaume, de n'imprimer, vendre ou distribuer en cediect Royaume ce present liure intitulé: *Aduertissement & Conseil à Messieurs de Paris, tant pour se preseruer de la peste, comme aussi pour nettoier la ville, & les maisons qui y ont esté infectees, &c.* sinon de ceux qu'aura imprimé ou faict imprimer lediect Chesneau, ou de son consentement, iusques apres le temps & terme de sept ans finis & accomplis, apres la premiere impression: à peine de confiscation de ce qui s'en trouueroit d'imprimez ou venduz au cōtraire, & d'amende arbitraire: comme plus amplement est declaré par les lettres dudiect Seigneur sur ce données à Paris, le 30. de May, 1567.

Signees, ROBERTET.